



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

X. Gernand, Bischof von Brandenburg, bekundet, daß Arnold von Rothenvörde sein Eigenthum in Rothenvörde dem Kloster unserer lieben Frauen in Magdeburg verkauft habe, i. J. 1226.

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

permaneant, antedictam Ecclesiam beati Nycolai Magdeburch presenti priuilegio sigilli nostri munimine roborato super hoc communimus statuentes et sub anathematis interminatione districtius inhibentes, ne quisquam contra ea, que premissa sunt, aliqua temeritate venire presumat aut modis quibuslibet obuiare. Acta sunt hec Magdeburch, anno gracie M^o CC^o XX^o III^o Kal. Marcii, pontificatus nostri anno secundo.

Aus dem Copialbuch des Stifts Nicolai (s. Bemerkung unter der Urkunde vom Jahre 1217 No. 58) f. 26 a. 27 im Magd. Prov. Archiv.

X. Gernand, Bischof von Brandenburg, bekundet, daß Arnold von Rothenvörde sein Eigenthum in Rothenvörde dem Kloster unserer lieben Frauen in Magdeburg verkauft habe, i. J. 1226.

Gernandus, miseratione diuina Brandenburgensis Episcopus, vniuersis fidelibus presentem paginam inspecturis. Cum nostris temporibus in emptionibus maxime et venditionibus habundans cautela merito requiratur, tum propter presentis etatis maliciam, que semper ad malum pronior est, quam ad bonum, tum etiam propter conditionem humane fragilitatis, cuius memorie ordo rerum legitime gestarum elabitur, ne temeritas vel obliuio obnubilet veritatem, expedit et oportet, ut geste rei series litteris autenticis committatur et ad excludendum totius ambiguitatis dubium confirmetur ab eis, penes quos est auctoritas confirmandi. Notum proinde sit Christi fidelibus vniuersis tam presentibus, quam futuris, quod Arnoldus, miles de Rodenuorde, ministerialis domini Heinrici Comitis Alcharie, in nostra et dominorum nostrorum maioris ecclesie in Magdeburg canonicorum presencia constitutus, cum ad ipsius confessionem audiendam essemus specialiter conuocati omnibus nobis audientibus est confessus, quod de assensu et voluntate domini sui Comitis supradicti omnem proprietatem suam in villa Rodenuorde Honorabili viro domino Wichmanno, ecclesie beate Marie in Magdeburg Preposito et conuentui eius legitime vendiderit et titulo venditionis per manus Nobilis viri Bederici, comitis Norturingie, in forma iudicii tradiderit, approbantibus uenditionem et traditionem ipsam iudicialibus scabinis et super ea dictantibus sententiam legum terre. Preterea predictus miles nobis presentibus recognouit, quod dicte venditioni et tradicioni sui heredis accessit beneplacitum et voluntas, qui, quoniam infra annos erat et ob hoc assensus ipsius minus sufficiens uidebatur, sepedictus miles tam de ratihabicione sui heredis in posterum, quam de cauenda euictione eorundem bonorum dicto preposito et ecclesie ad habundantem cautelam se prestitisse fatebatur fideiussoriam cautionem fide iuentibus seu promittentibus honestis viris, quorum hec sunt nomina: Arnoldus de Rodenuorde, ffridericus de Hekelinghe, Henricus leo, Ludolphus de Gloten, Theodericus scathe, Elembertus de Hekelynghe. Nos igitur horum, que coram nobis modo celebri et legitimo sunt tractata, cognitionem refundere in posteros cupientes tenore presentium, nos talem audiuisse confessionem sepedicti militis protestamur, venditionem et traditionem ipsam auctoritate domini nostri Alberti, Magd. Archiepiscopi, cuius vice fungimur, confirmantes et presentem paginam, ut sic memoriale et testimonium geste rei sigilli nostri munimine fecimus consignari. Huius rei testes sunt ffridericus,

maior decanus, Wernerus, prepositus de hunoldesborg, Lodewicus de lewenberch, Heinricus, prepositus de Milderse, Lodewicus de Grabowe, Arnoldus, scolasticus, canonici maioris ecclesie, Wichmannus, Prepositus ecclesie beate Marie, Hugo, plebanus forensis ecclesie in Magdeburg et alii quam plures. Acta sunt hec Anno gracie M° CC° XXVI°, Indictione XIII^a, Epacta XX^a, Concurrente III°.

Nach einer Abschrift aus dem Copiario des Klosters unserer sieben Frauen in Magdeburg No. 29 im R. P.-Archiv.

XI. Gernand, Bischof von Brandenburg, confirmirt einen Vertrag des Pfarrers in Ekholt mit dem Custos des Klosters unserer lieben Frauen in Magdeburg über die Einkünfte seiner Kirche, im Jahre 1228.

Gernandus, dei gracia Brandenburgensis Episcopus, Omnibus hanc paginam inspecturis salutem in domino, Notum esse cupimus vniuersitati vestre, quod Johannes, sacerdos in ecclesia, que Ekholt dicitur et sita est in diocesi nostra, de assensu et beneplacito Wichmanni prepositi S. Marie virginis in Magdeborch, patroni Ecclesie memorate, vicarius perpetuus constitutus, de eiusdem ecclesie prouentibus cum Bertramo, custode ecclesie sancte Marie, ad cuius custodiam ecclesia pertinet memorata, in nostra presenciam et nostra auctoritate accedente taliter ordinavit, ut ipse prouentus eisdem ex integro percipiat et de eisdem Quindecim maioris mensure Modios, duos auene et Tredecim siliginis dicto custodi vel eius, qui pro tempore fuerit, successori in expensis propriis periculo tamen custodis et ecclesie faciet annis singulis tempore constituto in ciuitate Magdeborch exhiberi. Preterea procuratio nostra et successorum nostrorum cum ex officii nostri debito visitationis gracia vel alia qualibet ex causa ad iam dictam ecclesiam nos declinare contigerit, non ad custodem, sed ad vicarium de ipsius voluntate et beneplacito pertinebit. Vt igitur huius ordinationis series, sicut de beneplacito et voluntate libera eorum, ad quos pertinet, emanauit preuia ratione rata et inuiolabilis perseueret, eandem tenore presentium confirmamus sigilli nostri munimine presentem paginam roborantes. Huius rei testes sunt Wichmannus, Prepositus sancte Marie in Magdeburch, Jacobus, plebanus de szeruist, Martinus, plebanus de Cotentene, Daniel, plebanus de Juterbuc et alii quam plures. Datum anno gracie MCCXXVIII°.

Nach einer Abschrift aus dem Copiario des Klosters unserer lieben Frauen in Magdeburg No. 30.